

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-16275-1/15.  
Zenica, 07.09.2015. godine

**Z A P I S N I K**  
**sa 25. sjednice Vlade Zeničko-dobojskog kantona održane 31.08.2015. godine**

Sjednica je održana u sali 109, prvi sprat u zgradi Kantona, dana 31.08.2015. godine u trajanju od 8<sup>15</sup> do 9<sup>05</sup> sati.

Sjednicom je predsjedavao Miralem Galijašević, premijer Zeničko-dobojskog kantona.

Sjednici su prisustvovali članovi Vlade:

1. Zvonimir Anđelić, ministar Ministarstva za privredu,
2. Himzo Smajić, ministar Ministarstva za poljoprivredu, šumarstvo i vodoprivredu,
3. Mirnes Bašić, ministar Ministarstva za pravosuđe i upravu,
4. Andrej Kajić, ministar Ministarstva finansija,
5. Hajrudin Žilić, ministar Ministarstva unutrašnjih poslova,
6. Mensur Sinanović, ministar Ministarstva za obrazovanje, nauku, kulturu i sport,
7. Fahrudin Čolaković, ministar Ministarstva za boračka pitanja,  
kao i:
  1. Mirsad Kadić, sekretar Vlade,
  2. Berjana Ačkar, sekretar Sekretarijata za zakonodavstvo,
  3. Alma Hrnjić, zapisničar.

Opravdano odsutni:

1. Nurđehan Šahinović, ministar Ministarstva za rad, socijalnu politiku i izbjeglice,
2. Bojan Gvozdrenović, ministar Ministarstva zdravstva,
3. Goran Bulajić, ministar Ministarstva za prostorno uređenje, promet i komunikacije i zaštitu okoline,

U svojstvu izvjestioca sjednici je prisustvovala:

1. Željka Marković-Sekulić, direktorica Službe za zajedničke poslove.

Premijer je stavio na diskusiju predloženi

**D N E V N I R E D :**

1. Prijedlog Odluke o provođenju postupaka javnih nabavki za potrebe Zeničko-dobojskog kantona;
2. Prijedlog Odluke o izmjenama Odluke o usvajanju Plana javnih nabavki Zeničko-dobojskog kantona u 2015. godini;
3. Prijedlog Odluke o davanju saglasnosti za prenos Ugovora o koncesiji za izgradnju i korištenje MHE „Podjezera“ na Jezeračkoj i Stupničkoj rijeci;

4. Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec avgust 2015. godine;
5. Prijedlog Rješenja o imenovanju Povjerenstva za dodjelu kredita za rješavanje stambenih potreba mladih i za izradu uvjeta i kriterija za odobravanje kredita;

Članovi Vlade su prihvatili predloženi dnevni red te je za sjednicu jednoglasno usvojen isti.

### **Prva tačka dnevnog reda**

Uvodno izlaganje za ovu tačku dnevnog reda dao je Miralem Galijašević, premijer Zeničko-dobojskog kantona.

Obrazloženje za ovu tačku dnevnog reda dala je Željka-Marković Sekulić, direktorica Službe za zajedničke poslove.

U diskusiji su učestvovali: ministar Ministarstva finansija, ministar Ministarstva unutrašnjih poslova, ministar Ministarstva za boračka pitanja, sekretar Vlade, sekretar Sekretarijata za zakonodavstvo i ministar Ministarstva za pravosuđe i upravu.

Vlada je jednoglasno (*uz predloženu izmjenu-brisanje člana 4-Naknada za rad članova komisije, uz mogućnost isplate naknade ekspertima-eksternim članovima*), donijela Odluku o provođenju postupaka javnih nabavki za potrebe Zeničko-dobojskog kantona.

Ovom Odlukom se privremeno, do formiranja centralnog nabavnog organa Zeničko-dobojskog kantona, uređuje postupak javnih nabavki roba, usluga i radova koji provode kantonalni organi uprave, kantonalne upravne organizacije, stručne i druge službe Zeničko-dobojskog kantona i za koji postoji obaveza provedbe postupaka javnih nabavki (u daljem tekstu: kantonalni organi).

U provedbi postupaka javnih nabavki roba, usluga i radova, shodno odredbama Zakona o javnim nabavkama, kantonalni organi su obavezni primjenjivati i druge važeće zakonske i podzakonske propise, kao i interne akte koji se odnose na pojedini predmet nabavke u smislu posebnih zakona.

Kantonalni organi se ovlašćuju da samostalno pokreću i provode postupke javnih nabavki, te prate realizaciju ugovora u skladu sa Planom javnih nabavki Zeničko-dobojskog kantona.

Služba za zajedničke poslove Zeničko-dobojskog kantona se ovlašćuje za provođenje postupaka zajedničkih javnih nabavki, odnosno standardizovanih predmeta nabavke koja su zajednička potreba više ili svih kantonalnih organa u skladu sa Planom javnih nabavki Zeničko-dobojskog kantona.

Kantonalni organi koji provode postupke javnih nabavki imenuju komisije za javne nabavke u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).

U slučaju da kantonalni organ ne može imenovati komisiju iz reda svojih zaposlenika zbog nedostatka broja zaposlenika, isti se ovlašćuje da nedostajuće članove komisije imenuje sa Liste kandidata iz člana 3. ove Odluke.

Listu kandidata-državnih službenika, koji se mogu imenovati u komisije za javne nabavke, čine:

1. Meliha Omerspahić, predstavnik Ministarstva za pravosuđe i upravu,
2. Ružica Jukić – Ezgeta, predstavnik Ministarstva za pravosuđe i upravu,
3. Adis Čehić, predstavnik Ministarstva finansija,
4. Nada Delibašić, predstavnik Ministarstva finansija,
5. Dženita Hrgić, predstavnik Ministarstva privrede,
6. Zekija Kapić, predstavnik Ministarstva privrede,
7. Hikmet Mlivić, predstavnik Ministarstva za prostorno uređenje, promet i komunikacije i zaštitu okoline,
8. Belma Kapetanović, predstavnik Ministarstva za prostorno uređenje, promet i komunikacije i zaštitu okoline,
9. Eldin Durmić, predstavnik Ministarstva za obrazovanje, nauku, kulturu i sport,
10. Irena Palavra, predstavnik Ministarstva za obrazovanje, nauku, kulturu i sport,

11. Samka Lokmić, predstavnik Ministarstva za obrazovanje, nauku, kulturu i sport,
12. Dijana Dedić, predstavnik Ministarstva za rad, socijalu politiku i izbjeglice,
13. Mario Vrbić, predstavnik Ministarstva za rad, socijalu politiku i izbjeglice,
14. Vildana Kondić, predstavnik Ministarstva za rad, socijalu politiku i izbjeglice,
15. Anita Turski, predstavnik Ministarstva za boračka pitanja,
16. Amra Nikšić, predstavnik Ministarstva za boračka pitanja,
17. Ankica Radić, predstavnik Ministarstva zdravstva,
18. Hajrudin Hedžić, predstavnik Ministarstva zdravstva,
19. Nira Hadžidulbić, predstavnik Kantonalnog zavoda za pravnu pomoć,
20. Nadžija Talić, predstavnik Kantonalnog zavoda za pravnu pomoć,
21. Valentina Iličić, **predstavnik Kantonalnog zavoda za pravnu pomoć,**
22. Emira Bureković, **predstavnik Kantonalnog zavoda za pravnu pomoć,**
23. Jasemina Agović, predstavnik Kantonalne direkcije robnih rezervi,
24. Dženan Begović, predstavnik Ureda Premijera,
25. Mirsad Oparić, predstavnik Ministarstvo za poljoprivredu, šumarstvo i vodoprivredu,
26. Sanida Kučević, predstavnik Stručne službe Skupštine,
27. Branka Marković, predstavnik Stručne službe Skupštine,
28. Milenko Mitrović, predstavnik Stručne službe Vlade,
29. Senija Zukanović, predstavnik Stručne službe Vlade,
30. Emir Bihorac, predstavnik Stručne službe za razvoj i međunarodne projekte,
31. Darmin Makić, predstavnik Stručne službe za razvoj i međunarodne projekte,
32. Enesa Krdžalić, predstavnik Službe za zajedničke poslove i
33. Renata Nakić-Miošić, predstavnik Službe za zajedničke poslove.

U slučaju gdje predmet javne nabavke zahtijeva specifično tehničko ili specijalizirano znanje koje inače nije dostupno unutar kantonalnog organa, kantonalni organ ima pravo pozvati stručnjake u skladu sa članom 4. stav (3) i (4) Pravilnika o uspostavljanju i radu komisije za nabavke, uz mogućnost isplate naknade za njihov rad, koja se utvrđuje rješenjem rukovoditelja organa koji provodi postupak javne nabavke.

Stupanjem na snagu ove Odluke stavlja se van snage Odluka o utvrđivanju Liste kandidata za članove Komisije za provođenje postupaka javnih nabavki za potrebe Zeničko-dobojskog kantona („Službene novine Zeničko-dobojskog kantona“, broj: 4/15).

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

*Premijer Zeničko-dobojskog kantona je skrenuo pažnju ministrima, sa naglaskom da isto uđe u zapisnik, na ozbiljnost rada, tempa, odgovornosti, ocjenjivanja zaposlenika i drugo.*

### **Druga tačka dnevnog reda**

Obrazloženje za ovu tačku dnevnog reda dala je Željka-Marković Sekulić, direktorica Službe za zajedničke poslove.

U diskusiji su učestvovali: ministar Ministarstva za pravosuđe i upravu, sekretar Sekretarijata za zakonodavstvo, sekretar Vlade i ministar Ministarstva unutrašnjih poslova.

Vlada je jednoglasno (*uz predloženu dopunu u članu 1. - Odlukom broj: 02-14-13408/15 od 25.06.2015. godine*) donijela Odluku o izmjenama Odluke o usvajanju Plana javnih nabavki Zeničko-dobojskog kantona u 2015. godini.

U članu 1. stav (1) Odluke o usvajanju Plana javnih nabavki Zeničko-dobojskog kantona u 2015. godini, broj: 02-14-12249/15 od 27.05.2015. godine i broj: 02-14-13408/15 od 25.06.2015. godine, iza riječi kanton, tekst: „kao Ugovorni organ (u daljem tekstu Ugovorni organ)“, se briše.

U članu 4. riječi „Ugovornog organa“ zamjenjuju se riječima „Zeničko-dobojskog kantona“.

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

### **Treća tačka dnevnog reda**

Obrazloženje za ovu tačku dnevnog reda dao je Himzo Smajić, ministar Ministarstva za poljoprivredu, šumarstvo i vodoprivredu.

U diskusiji je učestvovao: ministar Ministarstva unutrašnjih poslova.

Odluku o davanju saglasnosti za prenos Ugovora o koncesiji za izgradnju i korištenje MHE „Podjezera“ na Jezeračkoj i Stupničkoj rijeci.

Daje se saglasnost za prenos Ugovora o koncesiji za izgradnju i korištenje MHE „Podjezera“ na Jezeračkoj i Stupničkoj rijeci, općina Zenica, sa privrednog društva „Eling-inžinjeri“ d.o.o. Teslić na privredno društvo „Eko-energy“ d.o.o. Tešanj.

Zadužuje se Ministarstvo za poljoprivredu, šumarstvo i vodoprivredu da u skladu sa ovom Odlukom i Zakonom o koncesijama, zaključi tripartitni Ugovor sa „Eling-inžinjeri“ d.o.o. Teslić i „Eko-energy“ d.o.o. Tešanj.

Ova odluka stupa na snagu danom donošenja, a objaviti će se u Službenim novinama Zeničko-dobojskog kantona.

### **Četvrta tačka dnevnog reda**

Obrazloženje za ovu tačku dnevnog reda dao je Andrej Kajić, ministar Ministarstva finansija.

U diskusiji su učestvovali: Premijer, ministar Ministarstva finansija i sekretar Vlade.

Vlada je jednoglasno donijela Odluku o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za mjesec AVGUST 2015. godine.

Ovom Odlukom odobrava se isplata sredstava u iznosu od 33.500,00 KM (slovima: tridesettri hiljade petstotina konvertibilnih maraka) za političke stranke i koaliciju političkih stranaka zastupljene u Skupštini Zeničko-dobojskog kantona, za mjesec avgust 2015. godine.

Sredstva iz člana 1. Ove Odluke raspoređuju se na način da se:

30% sredstava dijeli jednako svim političkim strankama, odnosno koalicijama političkih stranaka koje su osvojile mandate u Skupštini Zeničko-dobojskog kantona,

60% sredstava dijeli prema broju poslaničkih mandata koje svaka politička stranka i koalicija političkih stranaka zastupljena u Skupštini Kantona, ima u trenutku dodjele mandata,

10% od ukupnog iznosa raspoređuje se klubovima poslanika srazmjerno broju poslaničkih mjesta koja pripadaju manje zastupljenom spolu.

Kao trenutak raspodjele sredstava iz člana 2. ove Odluke smatra se dan donošenja Odluke Vlade Kantona o raspodjeli istih.

Isplata sredstava iz člana 1. ove odluke će se izvršiti na osnovu Zakona o izvršavanju budžeta Zeničko-dobojskog kantona za 2015. godinu, („Službene novine Zeničko-dobojskog kantona“, broj: 2/15), a iz Budžeta Zeničko-dobojskog kantona za 2015. godinu sa razdjela 10, budžetska organizacija 01, potrošačka jedinica 0001 – Skupština Kantona, Pozicija “Tekući transfer za finansiranje političkih stranaka, koalicija političkih stranaka i nezavisnih poslanika”.

Za realizaciju ove odluke zadužuju se Ministarstvo finansija Zeničko-dobojskog kantona i Stručna služba Skupštine Zeničko-dobojskog kantona, svako u okviru svoje nadležnosti.

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

kao i Zaključak kojim se

zadužuje Stručna služba Skupštine Zeničko-dobojskog kantona da Prijedlog Odluke o raspodjeli sredstava za finansiranje političkih stranaka i koalicije političkih stranaka zastupljenih u Skupštini Zeničko-dobojskog kantona za Vladu Zeničko-dobojskog kantona, dostavlja kvartalno.

Zaključak stupa na snagu danom donošenja.

### **Peta tačka dnevnog reda**

Obrazloženje za ovu tačku dnevnog reda dao je Mirnes Bašić, ministar Ministarstva za pravosuđe i upravu.

Vlada je jednoglasno donijela Rješenje o imenovanju Povjerenstva za dodjelu kredita za rješavanje stambenih potreba mladih i za izradu uvjeta i kriterija za odobravanje kredita.

Imenuje se Povjerenstvo za dodjelu kredita za rješavanje stambenih potreba mladih i za izradu prijedloga Odluke o uvjetima i kriterijima za odobravanje kredita za rješavanje stambenih potreba mladih (u daljem tekstu: Povjerenstvo) u sastavu:

1. Nada Delibašić, predsjednik Povjerenstva,
2. Adis Čehić, član,
3. Ružica Jukić-Ezgeta, član,
4. Šišić Zahida, član,
5. Maid Pračić, član,
6. Haris Hrgić, član,
7. Dijana Odobašić, član,
8. Hrvoje Čabrajić, član i
9. Damir Jukić, član.

Zadatak Komisije je da:

- a) izradi i putem Ministarstva za pravosuđe i upravu dostavi Vladi Zeničko-dobojskog kantona, prijedlog Odluke o uvjetima i kriterijima za odobravanje kredita za rješavanje stambenih potreba mladih;
- b) sačini i po prethodnoj suglasnosti Vlade Zeničko-dobojskog kantona (u daljem tekstu: Vlada) raspisuje javni poziv za odobravanje kredita;
- c) provede postupak rješavanja po zahtjevima u pogledu ispunjavanja općih i posebnih uvjeta i izvrši bodovanje podnositelja zahtjeva;
- d) utvrdi i objavi nacrt rang liste u jednoj od dnevnih novina i na web stranici Zeničko-dobojskog kantona, te nakon razmatranja i odlučivanja po eventualnim prigovorima, prijedlog rang liste dostavi Vladi na suglasnost.

Način rada i odlučivanja Povjerenstvo će urediti Poslovníkom o radu Povjerenstva.

Naknada za rad Povjerenstva utvrdit će se posebnim rješenjem premijera Zeničko-dobojskog kantona.

Ovo rješenje stupa na snagu danom donošenja, a objavit će se u „Službenim novinama Zeničko-dobojskog kantona“.

Premijer je sjednicu zaključio u 9<sup>05</sup> sati.

**SEKRETAR**

*Mirsad Kadić*

**PREMIJER**

*Miralem Galijašević*

**ZAPISNIČAR**

*Alma Hrnjić*